



Ka Baibl na ka bynta ki Khyannah  
ka wanrah

Mynhaba U Blei u la  
thaw ia kiei kiei  
baroh



La thoh da: Edward Hughes

La dro dur da: Byron Unger; Lazarus  
Alastair Paterson

La shim kylliang da: Bob Davies; Tammy S.

La pynmih da: Bible for Children  
[www.M1914.org](http://www.M1914.org)

©2021 Bible for Children, Inc.

License: Phi don ka hok ban copy lane ban shon ia kane  
ka jingiathuhkhana, lada phim die ia ka.




Mano ba la thaw ia ngi? Ka Baibl, Ka Ktien U Blei, ka iathuh kumno ba la sdang ia ka longbriew manbriew. Slem slem bah mynshuwa, U Blei u la thaw ia u briew banyngkong bad u la khot kyrteng "Adam" ia u. U Blei u la thaw ia u Adam na ka 'dewmet ka khyndew. Haba


U Blei u la pyrsad ia ka jingim ha u Adam, u Adam u la long uba im. U Adam u la shem ia lade ba u don ha ka kper kaba itynnat ba ka khot "ka Eden".



Ha shuwa ba U Blei un thaw ia u Adam, U la thaw ia  
ka pyrthei kaba itynnat kaba la shlei da kiei kiei kiba  
phylla. Kawei hadien kawei pat, U Blei u la thaw ia ki  
jaka lum bad ia ki pyntha phlang ba-itynnat, ia ki  
syntiew ki skud kiba sma iwbih, ...



... bad ia ki dieng bajrong, ia ki sim badon ki sner  
baphyrnai bun rong, bad ia ki ngap ba sawa  
sngewtynnat, ia ki dohkha whale bakhraw, bad ia ki  
mattah kiba par suki jai. Shisha keiñ, U Blei u la  
thaw ia kiei kiei baroh kiba don - kiei kiei baroh keiñ.




Ha kaba sdang eh, ha shuwa ba U  
Blei un thaw ia kano kano, ym shym  
don ei ei ruh em lait tang U Blei  
hi. Ym don briew lane ki jaka  
lane kiei kiei. Ym don ei ei.


Ym don jingshai bad ym  
don jingdum. Ym don  
kaba shajrong bad ym  
don kaba shapoh. Ym  
don ka mynhynnin bad ym  
don ka lashai. La don tang  
U Blei hi U bym don kano  
kano ka jingsdang. Te kumta,  
U Blei u la sdang ban trei! Ha kaba mynnyngkong,  
U Blei u la thaw ia ka bneng bad ka pyrthei.



Bad ka pyrthei ka la long  
kaba khlem dur bad  
kaba thylli. Bad ka  
jingdum ka la  
don halor ka  
jingjylliew.  
Te U Blei u  
la ong, "To  
long ka  
jingshai."




Bad ka jingshai ka la long. U Blei u la khot "ka  
sngi" ia ka jingshai, bad "ka miet" ia ka jingdum.  
Te kaba janmiet bad ka step ki la long, ka sngi  
ka banyngkong.







Ha ka sngi ka ba-ar, U Blei u la buh ryntih hapoh  
jong ka Bneng ia ki um ki duriaw bah, ki duriaw rit,  
bad ki pung. Ha ka sngi balai, U Blei u la ong, "Ai  
ba ka khyndew rkhiang kan mih". Te kumta keiñ  
ka la long.




U Blei u la hukum ruh ia ki phlang bad ia ki syntiew,  
bad ia ki dieng rit bad ki dieng bah  
ban mih. Bad ki la mih. Te kaba  
janmiet bad ka step  
ki la long, ka  
sngi ka balai.




Te U Blei u la thaw ia ka sngi, bad  
ia u bnai, bad ia shibun bah ki khlur  
ba ym don mano mano ruh ba lah  
ban ñiew ia ki. Bad kaba janmiet  
bad ka step ki la long, ka sngi  
ka basaw.




Ki mrad duriaw bad ki  
dohkha bad ki sim ki  
long kiba la don ha ka  
thup jingthaw jong U  
Blei. Ha ka sngi  
basan, U la thaw ia ki  
dohkha ki bakhraw  
kiba don ka khmut  
kum ka waitlam bad ki  
barit kum ki shalynnai,  
ia ki sim ki bakhraw  
kiba jrong ki pungkhat  
bad ki barit kiba ju  
kjit ia ki um syntiew.



U Blei u la thaw ia  
baroh ki jait dohkha  
ban pyndap ia ki um  
ha ka pyrthei, bad ia  
ki jait sim baroh ban  
ialehkmen ha  
ryngkew bad ha  
duriaw bad ha  
suiñbneng. Bad  
kaba janmiet bad ka  
step ki la long, ka  
sngi ka basan.




Hadien kata, U Blei u la kren biang. U la ong, "To ai ba ka khyndew kan pynmih ia ki jingthaw ba-im ..." Kawei pa kawei ka jait jong ki mrad bad ki khñiang bad ki kynja ñiangbshiah bad ki bseiñ ki la long. La don ruh ki hati bakhraw kiba pynkhynñiuh khyndew haba ki iaid, bad ki mrad kiba thaw skum ha ki wah um.




Ki shrieh kiba shalak bad ki kuratia kiba i jaipdeh.  
Ki wieh kiba khih talain bad ki risang kiba pah  
pynkhih tdong. Ki Giraffe kiba jrong ryndang bad  
ki miaw kiba pah khroh. İa baroh ki jait mrad, U  
Blei u la thaw ha kata ka sngi.

Bad kaba janmiet bad ka step ki la long,  
ka sngi ka bahynriew.




U Blei u la leh sa kawei pat ha ka sngi bahynriew -  
Kaei re kaei kaba kham kyrpang. Baroh kiei kiei ki la  
long mynta kiba la biang na ka bynta u Briew. La don  
ka bam ha ki lyngkha bad ki mrad ban shakri ia u  
briew. Bad U Blei u la ong, "To  
ngin iathaw ia u briew ha ka dur  
jong ngi. To ai ba un long u kynrad  
halor kiei kiei baroh kiba  
don ha ka pyrthei."

KUMTA U BLEI U LA  
THAW IA U BRIEW  
HA KA DUR JONG U  
HI; HA KA DUR KA  
JONG U BLEI U  
LA THAW IA U ...






U Blei u la kren ia u  
Adam. "To bam ia  
kaei kaei kaba me  
mon na ka kper.  
Hynrei, wat bam na  
u dieng jong ka  
jingtip ia ka babha  
bad ka basniew.  
Lada me bam na uta  
u dieng, da kaba iap  
men iap shisha."



Bad U TRAI uba U Blei u la ong, "Kam long ka babha  
ba u briew un sah marwei. Ngan thaw ka nongsumar  
lem kaba biang na ka bynta jong u." U Blei u la wallam  
ha u Adam ia baroh ki sim bad ki mrad.  
U Adam u la ai kyrteng ia ki baroh. U  
la long uba nep jingmut bha kat ban  
leh ia kata. Hynrei, napdeng ki sim  
bad ki mrad baroh, ym shym don  
kano kano ka nongsumar lem



ka ban biang na  
ka bynta u Adam.



U Blei u la pynngat ka jingiohthiah bajur ia u Adam.  
U Blei u la sei kawei na ki shyieng krung jong u Adam  
uba ioththiah. Na kata, U Blei u la thaw ia ka briew.  
Ka briew kaba U Blei u la  
thaw, ka la long keiñ ka  
nongsumar lem kaba  
biang ia u Adam.




U Blei u la thaw ia kiei kiei baroh ha ki hynriew  
sngi. Te U Blei u la kyrkhu ia ka sngi ka  
bahynñiew bad u la pynlong ia ka, ka sngi  
shongthait. Ha ka kper Eden, u Adam bad  
ka Im kaba long ka kurim jong u, ki la don  
ka jingsuk bajanai da kaba kohnguh ia U  
Blei. U Blei u la long U TRAI jong ki,  
u Nongpyndap jong ki bad u  
Paralok jong ki.



Mynhaba U Blei u la thaw ia kiei kiei baroh  
Ka jingathuhkhana na Ka Ktien U Blei, ka Baibl,  
la shem ha  
Jenesis 1-2

"Ka jingrung Ki Ktien jong Me ka ai jingshai."  
Salm 119:130






Ka Bakut



1



60



Kane ka jingiathuhkhana na ka Baibl ka iathuh ha ngi shaphang U Blei jong ngi U baphylla, uba la thaw ia ngi bad uba kwah ia phi ban ithuh ia U.

U Blei u tip ba ngi la leh ia kiei kiei ki basniew, kiba U khot "Ka Pop". Ka jingpynshitom ia ka pop ka dei ka jingiap, hynrei, U Blei u ieit ia phi haduh katta katta, ha kaba U la phah ia la U Khun ba tang marwei jong U, U Jisu keiñ, ban shahiap halor Ka Diengphna bad ban shah pynshitom na ka bynta ki pop jong phi. Nangta pat, U Jisu u la mihipat bad U la kiew noh sha Bneng! Lada phi ngeit ha U Jisu bad kyrpad ia U ban map ia ki pop jong phi, Un leh kumta! Un wan bad shong hapoh jong phi mynta, bad phin iai im junom bad U.

Lada phi ngeit ba kane ka dei ka jingshisha, ong ia kane ha U Blei: Jisu baieit, nga ngeit ba me long U Blei, bad ba me la wan long briew ban iap na ka bynta ki pop jong nga, bad mynta me im pat. Sngewbha wan hapoh ka jingim jong nga bad to map ia ki pop jong nga, khnang ba ngan lah ban ioh mynta ka jingim bathymmai, bad kumta ha kawei ka sngi ngan sa ioh leit bad long lem bad me junom. To iarap ia nga ba ngan lah ban kohnguh ia me bad ban im na ka bynta jong me kum i khun jong me. Amen.

Pule ia ka Baibl bad iakren bad U Blei man la ka sngi! İoan. 3:16

